



PARAU FA'A'ARARA'A NĀ TE MAU VE'A #43

Te mau nūmera o teie ma'i :

3 873 ta'ata tei hi'opo'ahia, mai te omuara'a o teie ma'i. E 60 rahira'a ta'ata tei ma'ihia i te Covid-19.

Aore roa ta'ata ma'i fa'ahou nō te fenua nei.

Teie ra 29 ihita'i i nia i te pāhi rava'ai no te fenua Etuatoria tei hi'opo'ahia e 'ua 'itehia e 'ua ma'i hia rātou i te ma'i Covid-19. Hō'ē ō rātou tei tape'a roa hia i roto i te piha rapa'ura'a ma'i fifi i te Fare ma'i nō Taaone.

Nō reira, ia tāmāu noa ā i te fa'a'ohipa i te mau ravea pānurura'a i teie tiroiro Corona.

Te mau nūmera 'i teie mahana

Ta'atoara'a o te mau ta'ata tei ma'i hia i te COVID-19 i te fenua nei : 60

Rahira'a ta'ata tei ma'i hia i te COVID-19 e o tei tapea hia i te fare ma'i :

- no teie taimē 0

- mai te ha'amatarara'a no teie ma'i 4

Rahira'a ta'ata tei rapa'āu hia i roto i te piha rapa'aura'a ma'i fifi 0

Rahira'a ta'ata i fa'arue mai 0


Te mau feia ratere noa, aita i farerei i te huirā'atira :

Rahira'a ta'ata tei ma'i hia i te Covid-19 29

Rahira'a ta'ata ma'i Covid-19 e o tei tape'ahia i roto i te piha ra'apaura'a ma'i fifi no te Fare Ma'i 1


Rahira'a ta'ata i fa'arue mai 0

Fig. 1. Rahira'a ta'ata tei ma'i hia i te COVID-19 'i Pōrīnetia farāni nei mai te omuara'a mai



No roto mai : Piha hi'opo'ara'a i te mau ma'i, Fa'aterera'a nui no te ea

Fig. 2. Te mau ma'i i Tahiti e i Moorea, i te mahana pae 22 nō Mē 2020



No roto mai : Piha hi'opo'ara'a i te mau ma'i, Fa'aterera'a nui no te Ea

Te mau terera'a manureva tei tārahuhia e te Hau Nui

E tae mai te manureva a te Taiete Air Tahiti Nui tei tārahuhia e te Hau Nui (Continuité Territoriale) i teie pō i te hora ahuru mā hō'ē. 152 horopatete e tia'i hia nei. I roto ia rātou, e 4 taote nō te Taiete Europe Assistance e 110 ta'ata tumu nō te fenua nei. E tu'uhia rātou i roto i te hō'ē pūhapara'a i tārahuhia e te Hau Fenua no te hō'ē roara'a e 2 hepetoma. E ia hope te reira tau, e hi'opo'a fa'ahouhia rātou. I nia ato'a i teie manureva, 37 ta'ata rave 'ohipa na te Hau Fārāni o tei tu'uhia atu i roto i te tahi mau fare o tei tārahuhia e te Hau Fārāni, nā tā rātou tau hi'opo'ara'a.

Hou a rave ai i te manureva i Paris, 'ua hi'opo'ahia te ta'atoara'a o teie mau horopatete.



Te mau hi'opo'ara'a i te mau ma'i tau roa, te mau vahine tei tō e te parau no te mau ra'au fa'ataimera'a i te fanau

I muri 'ae i te mau fa'aotira'a no te 'opanipanira'a i te huirā'atira i fa'aotihia i te 20 nō Māti ra 'ua fa'ari'i te mau Tia mana o te Ea i te fa'atupu i te tahi mau hi'opo'ara'a na roto i te ravea o te niuniu parauparau e aore ra na roto i te rave'a o te mau tahua nātirara.

Teie fa'anahora'a ta'a ē mau, ua fa'ata'ahia ia nō te feia ma'i tau roa e aore ra ho'i no te mau vahine tō e no te mau vahine e rave ra i te ra'au no te fa'ataimera'a i te fanau. E hope roa teie fa'anahora'a i teie hopea ava'e, inaha 'ua faaore roa hia te fa'ahepora'a no te fa'aeara'a i te fare i te ta'atoara'a no te mau ta'a motu o te fenua nei. No reira te ani nei te ta'atoara'a o te mau taote i tō rātou mau ta'ata ma'i ia haere tino roa mai i roto i tā rātou mau piha 'ohipara'a.

Te mau hi'opo'ara'a tāmau no teie ma'i Covid-19

'Ua mara'a te mau hi'opo'ara'a no te hepetoma i mairi 'ae nei, mai te 11 e tae atu i 17 nō Mē (511 hi'opo'ara'a) e i te tahi atu hepetoma 277). E mau hi'opo'ara'a teie i te mau feia rave 'ohipa e nehenehe e fa'aruru i teie ma'i (feia tūpohe au'ahi. Etv...). 301 ta'ata tei hi'opo'ahia mai te 11 e tae atu i te 17 nō Mē. 'Ua hi'opo'a ato'ahia te feia o tei ho'i mai na Fārāni e 'ua hope tā rātou tau hi'opo'ara'a 14 mahana, 83 rātou pauroa i te hepetoma i mairi 'ae nei.

Mai te omuara'a o te mau hi'opo'ara'a, teie te mau tapa'o i tape'ahia mai :

- te mau tapa'o o te ma'i Covid-19 : **37 i nia i te hanere**
- tei ho'i mai i muri 'ae i te hō'ē tere na te ara : **19 i nia i te hanere**
- te mau ta'ata tei piri atu i te feia ma'i : **11 i nia i te hanere.**


Te fa'aara nei te mau Tia mana o te Ea, e eita te mau ta'ata e hi'opo'a fa'ahouhia hou a tere atu ai i roto i te mau ta'a motu. Inaha, te mana'ohia nei i Tahiti, Moorea e te ta'atoara'a o te mau fenua nō Porīnetia Fārāni, aita fa'ahou teie tiro-tiro Corona. Te vai nei ā te mau hi'opo'ara'a na nia ra i te hō'ē parau a te Taote.

Fa'anahora'a nō te pānurura'a i te feia e ro'ohia nei i te pe'ape'a utuafare.

A tau hepetoma i teie nei, te rave amui nei te Pū 'Autahi a te Pū e ti'a'au nei i te mau fifi o te ma'i Covid-19, te mau fare 'Oire, te mau fare Utuutura'a ma'i e te mau fare Ra'au no te ha'amāura'a i te hō'ē fa'anahora'a no te hi'opo'ara'a e te pānurura'a i te mau ta'ata e ro'ohia nei i te mau fifi pe'ape'a utuafare.

A tau hepetoma teie nei, te ha'amāura'a hia teie fa'anahora'a no te mau 'ite e te mau ta'ata e fifi nei i roto i tō rātou utuafare (ta'ata pā'ari e aore ra e tamari'i). Mai teie atu mahana, e nehenehe rātou e haere atu i roto i te mau vāhi fa'ari'ira'a au (Fare 'Oire, Fare Utuutura'a ma'i e aore ra i roto i te mau Fare ra'au). Te vai ra te hō'ē parau pi'a i mua i te uputa ma te parau atu « **Te hina'aro nei au e parauparau** ». Na teie noa ra ia parau e fa'aohie i te tauturura'a i teie ta'ata e mauui nei.

Teie mau pe'ape'a utuafare : te vai ra tei tāparahira'a, te vai ra te mau parau teimaha, te parau ino e aore ra te fa'ariarara'a e te maferara'a. Ia tupu noa atu teie mau fifi, eiaha e fa'aea muhu ore noa, a fa'aara ra.



TE PORO'I NŌ TEIE MAHANA

IA VAI ARA NOA Ā TĀTOU

A TĀMAU NOA A I TE FA'A'OHIPA I TE MAU
RAVEA PĀRURU

MĀURUURU E FA'AITOITO
